



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ad Leonem X. Pontificem Maximvm**

**[Straßburg], 1519**

**VD16 L 3409**

Conclusio LXI.

**urn:nbn:de:hbz:466:1-34717**

M. L. RESOLUTIONES DE VIRTUTE IN  
CONCLUSIO LIX.

Thesauros ecclesie sanctus Laurentius dixit esse paupes ecclesie, sed locutus est usu uocabuli suo tempore,

PATET satis ijs, qui legendam sancti Laurentij uiderunt, de inde non est nunc usus uocabuli, ut thesauros Ecclesie uocet homines pauperes, sed patrimonium Christi & S. Petri appellamus, quod palea quadam, sine tamen grano Constantini, dedit ecclesie. Ideo dicit Psal. ij. ubi deus dicit Christo, Postula a me & dabo tibi gentes in hereditatem, & possessionem tuam terminos terrae, intelligi oportet oppida & agros ab oriente in occidentem. Alioquin nostro tempore si quis loquatur aliter de rebus ecclesie & spiritualibus, erit barbarus nobis, licet & beatus Laurentius facultates ecclesie dixerit diuitias, sed non solas.

CONCLUSIO LX.

Sine temeritate dicimus, Claves ecclesie (merito Christi donatas) esse thesaurum istum.

SI istud meritum uocaretur, & thesaurus indulgentiarum, scilicet potestas clauium, plana est intelligentia. Nullus enim dubitat quin merito Christi donatum sit ecclesie, quicquid donatum est.

CONCLUSIO LXI.

Clarum est enim, quod ad remissionem poenarum & casuum, sola sufficit potestas Papae

PROBATVR ex ipso stilo Papae, dum nuncq; meminit meritorum Christi in ligando aut soluendo, sed tantummodo dicit de plenitudine potestatis, ex certa scientia & motu proprio.

Secundo, ex communi omnium sententia probantium, indulgentias uirtute illius uerbi donari, ubi Christus dicit, Quodcumq; solueris &c. Quod uerbum putant sine uigore esse, nisi potestate donandi permitteret. Quare & ipsi solam potestate intelligunt sufficere, nulla autem auctoritate probant thesaurum, sed hanc auctoritatem uelut sufficientem adducunt, quae tamen sonat nondam potestatem, non autem applicationem meritorum.

Tertio, Alioquin etiam in alijs ligationibus & solutionibus intelligenda esset distributio meritorum, puta, quando sacerdotali offi

DVLGENTIARVM AD LEONEM X. P. M.

cio excōmunicat, absoluit, ordinat, deordinat, statuit, abrogat, præcipit, prohibet, dispensat, mutat, interpretat. In ijs enim om̄ibus agitur uirtute istius uerbi, Quodcunq;. Si ergo in istis nō est necessaria distributio meritorū, sed sufficit potestas nuda clauū quanto magis in remissione pœnarū Canoniarum: cū talis remissio sit nihil aliud q̄ absolutio a pœnis, imo si uspiam sit distributio meritorū Christi, maxime fieri debet in absolute excōmunicati, ibi enim reconciliatur Ecclesię peccator, & rursus declaratur particeps bonorū Christi & ecclesię. Nulla itaq; est ratio quare illud uerbū, Quodcunq; solueris, in indulgentijs includat thesaurum Christi, & nō etiam in omnibus alijs solutionibus, cum sit eadem autoritas, eadem uerba, eadem sententia in illis.

Quarto, Si soluere per clauē in uenijs dandis, importat aperitionem & effusionem thesauri ecclesię, ergo per oppositum, ligare importabit collectionem & inclusionē thesauri eiusdem. Sunt enim contrarię potestates, & contrariorum operum. Sed nusq; & nunq; est usus colligendi aut includendi hunc thesaurū & tamen si solutio & effusio est, etiam inclusionem esse necesse est, cum utrunq; donatum sit ecclesię, nec frustra, aut uane donatum. Ergo sicut ligare, intelligitur sine collectione thesauri, debitorum facere, nec aliquid ei positue auferre, ita soluere cogit intelligi, liberum facere, sine expensione thesauri positue.

CONCLUSIO LXII.

Verus thesaurus Ecclesię, est sacro sanctum Euangeliū, glorię & gratię dei

SATIS incognita res est Euangeliū dei in multa parte ecclesię, ideo paulo latius de illo dicendū, Nihil enim reliquit in mūdo Christus, præter solū Euangeliū. Vnde & nihil seruis suis uocatis tradidit, q̄ mnas, talenta, pecunias, denarios, ut ex ijs ipsis uocabulis thesaurorū, ipsum uerū thesaurū esse ostēderet, Et Paulus dicit sese thesaurifare filijs suis, Et Christus thesaurū absconditum in agro. Et hoc ipsum quod est absconditus, facit, ut sit pariter & neglectus. Est aut̄ euangeliū secundū Apostolum Ro. i. Sermo de filio dei incarnato, nobis sine meritis in salutē & pacem donato, Est uerbū salutis, uerbum gratię, uerbū solatiij, uerbum gaudiij, uox sponsi & sponsę, uerbum bonū, uerbū pacis,

K